

115 年全國語文競賽臺灣原住民族語言朗讀文章 【鄒語】 國中學生組 編號 2 號

na la hia eaa eosku ta cou

upena hola na'nosi cocoeconu ta fuengu ho eafou 'e cou a'toana,
at'inghi la maezo kaebu uhto matotoaphoyu ho ea makokos'ozu ho ea
yosku,

mo mav'ov'o 'o la hia ea yosku ta cou a'toana, maito toalungu,
maaseu, toteezo, mahfuyo, hoci eno o'te otfo.

iho la toalungu, mo atva'esi umnu homo ngoecungcu 'o chumu to
toaphoyu, lasi e'cucuhi to chumu 'o lasi peela ana to mayoyosku, homo
maica, la na'no si tipolo, iho mo o'te fozu 'o chumu, la meelu titho to
mapopo'oyoi hoci eno kos'ozu ho teai topana.

homo muchu, honci himeu 'o chumu to toaphoyu, tac'u mahto yoi ho
e'ohu maaseu, ho la maaseu la bumemeala aiti 'o chumu ho
asngucu biu'i'io, la sokoeva honci akameosu esmi na feoho.

la na'nosi titeezo homo tufngi, i'o teezo la boemi to meemeeno ho poa
maenoa, tena seoteuyuna ho futa ho cungheni to eoecunghu, tenac'u peelui
titha. i'o teezo la yaeza na'no titha hola otfo ho mamtesngusngu,
micu kakutia nala meelu titho maitan'e.

honci otfo, la ahoi meia otofnana, tena hafa uhne c'oeha ho tec'u otfo,

la ahoza yomzeni to fatu ho t'oz'oz'i 'o otofnana ho aasvuta tfui to chumu,
honci' u ahoi hafsu 'o yosku, tec'u meelu ma'eayosku,

ne noana'o, o'a la 'aunpunpu otfo, lac'o yonto iachi nuu ci va'hu honci
otfo, atinghi, honci toehunga esvuta tamo cono you tee toehunga aut'uca 'e
tophoyu, la na'nosi tomtueha. la meino eemo'a honci aha'o yuh'utu, ko'ko
la acuhu tmaayaezoyu 'o cou .

iho tac'u noc'uhu no hiesi no esvuta, la asvuta nate ayoca ci otfnana,
tena hafa uhto c'oeha, la ahoi yausiesi ho topeohu 'o mamameoi, tac'u
meelu ahoi ea yosku, panto la atfangu a'pu'puyu ho lemahafo to la yaa ci
yosku, la pahteteuyuna to tena yoni aangae, la avahvoh'una 'omo
maamtanu ho i'omo 'o'okosi, tena ieni to hia botngonu tomo
macoconoemoo ho ahmumaska aangaeza.

'a moeno maica , la toehunga aut'uca 'e toaphoyu ho acuha ta'upi to
yosku 'e mo macicihi ho isicu tov'oha, ko'ko la acuhu tmaayaezoyu 'e cou.

鄒族的捕魚

鄒族是狩獵的民族，但也喜歡捕捉魚蝦。特別喜歡到河裡捕魚的族人，大家會稱這個人「像水獺一樣」。捕魚的方式有釣魚、網魚、刺魚、竭澤捕魚或毒魚等等，各自都有要注意的地方，以前還有部落會約定在某時期禁止到河川捕捉魚蝦，通常是三年，如果有人違反約定，將會受到嚴厲的責罰。

大家一起保護河川魚蝦，也將保育成果公平分配給每一個人，因而建立了特有的鄒族河川文化。